

THE UNIVERSITY OF CHICAGO

THE UNIVERSITY OF CHICAGO

欽定剿平捻匪方略卷一百八 辛酉年

六月初二日 己未 西凌阿譚廷襄奏言逆匪

盤踞東昌郡城西南之莘縣一帶以沙鎮爲門
戶而堂邑在沙鎮迤北爲該逆往來之路尤應
亟事驅除維時清平有匪渡河擾我後路因先
派營總烏爾貢扎布遊擊謝炳督帶兵勇前往
擊敗誠恐該匪四散藏匿復在河西竄方屯板

橋新莊譚家樓陶家莊各村逐處搜捕除拏獲
正法外餘皆竄往西南適臣譚廷襄接准勝保
咨函約會進兵當將清平一軍調回並由臣西
凌阿添撥馬隊協同烏爾貢扎布等原部於五
月二十六日馳往堂邑該匪聞大兵前來登時
逃遁我兵立即進紮將堂邑收復飭署知縣章
文湧等入城駐守並由臣譚廷襄揀派戶部郎

聞

中楊紹和馳往會同文武料理善後事宜該縣
西南正南東南各村尙有賊巢與莘縣聲氣相
聯而沙鎮爲莘縣前路屯匪尤衆當由臣等撥
兵分路進剿以期次第肅清奏入報

初三日
庚申袁甲三奏言四月二十九日該逆馬

步齊至滁州城外四面圍攻愈偪愈緊副將朱

元興隨卽施放號礮衆皆分段站垛該逆知我有備撤隊回營仍在數里內盤踞該副將卽於五月初三日挑選精壯計劫賊營該逆因我軍久未出隊並不設防被我軍搶入濠牆圍環擊殺前面賊營二座無一得脫後面三營亦卽奔潰統計斃賊一千餘名生擒一百十五名訊據獲賊供稱所踏營內擒匪甚多次日餘擒均竄

回定來二城而浦六粵逆仍屯沙河水口適遊
擊杜宜魁知縣陳炳等帶勇自椒來援初五日
分兵三路往攻該逆前後受敵紛紛敗竄我軍
追殺無數餘賊均竄回舊巢滁城當卽解圍此
次尤爲出力各員弁謹分別開列仰懇

天恩先行獎敘其餘在事出力文武員弁兵勇可否彙
入臨淮南北兩岸勦賊獲勝案內擇尤酌保之

處出自

鴻慈奏入

上諭內閣曰滁州官兵連次擊賊獲勝力解城圍辦理
尙爲得手所有尤爲出力之甘肅安西協副將朱元
興著以總兵記名簡放卽補參將李昭宸李明富均
著免補參將以副將儘先補用署滁州知州闕平相
著賞加五品銜賞換花翎其餘在事出力文武員弁

兵勇著袁甲三彙入臨淮南北兩岸剿賊獲勝案內
奏請獎勵

袁甲三又奏言臣前因苗練未能撤退派員前
往開導茲據副都統博崇武自懷遠來稟據該
練公局稟稱苗沛霖實無他意但欲於壽州城
內設立公局並該州團練悉聽調遣等語臣以
該練若得進城必將獨立一幟不受地方官籍

東而壽州紳民素與有嫌尤不能相安無事後
患何可勝言嚴詞拒絕斷不准行並告以苗沛
霖如知悔悟仍願勦賊立功自當籲懇

天恩寬其既往儻恃其強橫任意要求亦不能再爲寬
貸該練知臣識破奸謀不敢再提而練衆仍聚
城外未便任其遷延臣一面飭催博崇武迅速
前往一面飛飭署藩司張學醇趕赴壽州妥辦

張學醇於五月十五日先至孫家祠堂面見苗
沛霖知所勾廬郡長毛業已遣回該練已換官
兵旗號當卽勸令撤隊仍復勦賊立功苗沛霖
語涉游移要求頗多該司隨進城稟明翁同書
添委總兵慶瑞副都統薩薩布一同出城勸諭
始據苗沛霖口稱伊所爲過當實係爲勢所迫
並非甘心叛逆乞爲辯明心跡卽行撤退並云

魯家口所屯擒匪係壽人勾來不能退去伊願
前往攻拔張學醇等隨又稟商翁同書斟酌辦
理其事麤有頭緒總須俟練衆全數撤回方有
把握

袁甲三又奏言欽奉

諭旨垂詢張得勝一軍何以復回臨淮查張得勝等前
次剿賊泗靈獲勝後本飭徑趨宿州並會田在

田爲兜勦之計旋因定逆勾結西捻竄至蚌埠
長淮衛希冀渡淮北竄是以飭調該總兵等帶
兵回營分投勦辦迨將南北兩岸捻逆擊退正
在酌量派撥閒探悉捻逆西退宿圍已解徐宿
路通餉銀已到宿城情形稍鬆似可毋須赴援
臣復函詢田在田近日賊情究竟如何尙未接
其覆信苟可統籌兼顧斷無畛域之分至定遠

之賊經臣督飭水路各軍擊退其勢萬分窮蹙
因上游未得逞志又復分股竄擾下游仍欲乘
閒偷渡臣派水師礮船分布五河小溪樸山浮
山雙溝舊縣各要隘實力堵剿連戰皆捷該逆
已陸續竄回定城臣現飭南路團練分路要截
斷其糧道並乘其急迫之際出示曉諭解散黨
與以期次第殲除奏入均報

聞

同日田在田奏言前次圍攻宿城之賊雖經擊退黑旗各股回巢餘衆仍在東北兩面徧城盤踞其大股在時村灰古堆一帶徧脅民寨領旗出入而捻首趙克元李得金等踞奶奶山以西陳青讓等踞褚莊攻撲小乾山等寨尤注意斷我餉道俾成坐困嗣餉項到宿兵勇可資果腹

卽於五月十六日派隊夜出豫調符離兵勇同
時夾攻十里鋪賊壘該逆糾衆迎拒適符離各
隊沿隄而來賊疑北路援兵大至紛紛潰退官
軍南北兜擊斬擒百餘名追至迤西河沿淹斃
尤夥平毀賊壘五座其時城東踞賊亦由東南
遁去近城一帶賊匪全行掃除十八日北路藍
旗大股希圖報復幸臣豫派各隊行至北弓橋

南將賊擊敗旋因小乾山告急二十日復往救
援甫抵黃花洞賊見兵至合隊北趨我軍進攻
褚莊捻首陳青讓等先將小乾山圍困逆勢頗
張此時因回顧褚莊悉數撤退小乾山練衆跟
蹤緊追與官軍前後夾剿殺賊甚多二十二日
臣親率大隊進至符離二十四日飭總兵胡元
昌率領全隊向丁家集進剿該匪大股數千由